

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-Լ հրամանի

(05100040) / (15122023) / (762)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«15» դեկտեմբերի 2023 թ.
(ամսաթիվը)

Սիսիան-Երևան մայրուղու 7-րդ կմ
(կազմման վայրը)

Ես՝ ՀՀ պետական եկամուտների կոմիտեի
Հարավային մաքսատուն-վարչության
(ստորաբաժանման անվանումը)

ղեկավար Արտաշես Ղամբարյանս, քննելով՝ ԻԻՀ քաղաքացի Ջաֆար Շաքերիի
(անձնագիր՝ R55568154, ԻԻՀ, ք.Հաշտրուդ)

(քննվող անձի անվանումը, կազմակերպարավական տեսակը, ՀՎՀՀ, պետական գրանցման/ընկերության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Թիվ 05100041/101123/0053287 տարանցման հայտարարագրով «Մեղրու ՃՇՇՁ»
ՍՊԸ-ի անվամբ 11D16710/11D16810 պետհամարանիշի տրանսպորտային միջոցով ՀՀ
ներմուծված 23920 կգ բիտումը սահմանված ժամկետում՝ մինչև 11.11.2023 թվականը
ներառյալ չի հասցվել նշանակման մաքսային մարմին՝ Հարավային մաքսատուն-
վարչություն / «Հարավային տերմինալ» ՓԲԸ ժամանակավոր պահպանման պահեստ/:

Նշված փաստի առթիվ բեռնափոխադրող՝ ԻԻՀ քաղաքացի Ջաֆար Շաքերիի նկատմամբ Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 23.11.2023 թվականին հարուցվել է մաքսային կանոնների խախտման վերաբերյալ վարույթ՝ «Մաքսային կարգավորման մասին» ՀՀ օրենքի 305-րդ հոդվածի հատկանիշներով, այն է՝ «Մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը»:

11.11.2023 թվականին թիվ 05100041/101123/0053287 տարանցման հայտարարագրով ապրանքի փոխադրումն իրականացնող վարորդ ԻԻՀ քաղաքացի Ջաֆար Շաքերիին իր կողմից շահագործվող 11D16710/11D16810 պետհամարանիշի տրանսպորտային միջոցով մուտք է գործել «Հարավային տերմինալ» ՓԲԸ ժամանակավոր պահպանման պահեստ, սակայն իրականացված տեսազննման արդյունքում պարզվել է, որ Մեղրիի մաքսային կետ-բաժնում տեղադրված մաքսային ապահովման միջոցները, ինչպես նաև ապրանքն առկա չէ: Հայտնաբերված դեպքերի կապակցությամբ Հարավային մաքսատուն-վարչությունում «Մաքսային կարգավորման մասին» ՀՀ օրենքի 305-րդ, 306-րդ, 307-րդ, 308-րդ հոդվածների հատկանիշներով հարուցվել են մաքսային կանոնների խախտումների վերաբերյալ վարույթներ, որոնցից 306-րդ, 307-րդ, 308-րդ հոդվածների հատկանիշներով հարուցվածներն իրականացվում են ՀՀ ՊԵԿ Իրավաբանական վարչության կողմից:

Իրավախախտումների հայտնաբերման պահին ԻԻՀ քաղաքացի Ջաֆար Շաքերիին բացատրություն է ներկայացրել առ այն, որ տեղյակ չի եղել ընթացակարգի մասին և մյուս վարորդ Հասսան Սարդարիի հետևից ուղևորվել է «Մեղրու ՃՇՇՁ»

ՍՊԸ-ի պահեստ, որտեղ էլ կտրվել են նույնականացման միջոցները և դատարկվել է բեռը:

«Մեղրու ՃՇՇՁ» ՍՊԸ-ում, ՊԵԿ նախագահի՝ 07.12.2023 թվականի «Տարածքների և շինությունների մաքսային տեսազննման անցկացման» թիվ 3 կարգադրագրի համաձայն, իրականացվել է տարածքների և շինությունների մաքսային տեսազննում, որի արդյունքում կազմվել է շինությունների և տարածքների մաքսային տեսազննման թիվ 2 ակտը, համաձայն որի «Մեղրու ՃՇՇՁ» ՍՊԸ-ի պահեստի հորում առկա է նավթային բիտում, սակայն այն հնարավոր չէ նույնականացնել թիվ 05100041/101123/0053287 տարանցման հայտարարագրով «Մեղրու ՃՇՇՁ» ՍՊԸ-ի անվամբ ՀՀ ներմուծված 23920 կգ բիտումի հետ:

ԵՏՄ մաքսային օրենսգրքի 150-րդ հոդվածի 1-ին մասի 1-ին կետի համաձայն՝ «մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայր՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝

բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

ԻԻՀ քաղաքացի Զաֆար Շաքերիին 15.12.2023 թվականին ժամը 10:55-ին նշանակված գործի քննության վերաբերյալ առձեռն պատշաճ ծանուցվել է, սակայն չի ներկայացել գործի քննությանը, գրավոր որևէ դիրքորոշում կամ բացատրություն չի ներկայացրել և գործի քննությունն անցկացվել է նրա բացակայությամբ:

ԻԻՀ քաղաքացի Զաֆար Շաքերիի բացատրությունն առ այն, որ ընթացակարգից տեղյակ չի եղել չի կարող նրան վարչական պատասխանատվությունից ազատելու հիմք հանդիսանալ, քանի որ ԵՏՄ մաքսային օրենսգրքի 150-րդ հոդվածի 1-ին մասի 1-ին կետի համաձայն՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայր՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է»:

Վարչական մարմինը գտնում է, որ ԻԻՀ քաղաքացի Զաֆար Շաքերիի արարքում առկա է «Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտումը, իսկ նրա ներկայացրած բացատրությունը վարչական պատասխանատվությունից խուսափելու միջոց է:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 305-րդ հոդվածով, 322-րդ, 334-րդ հոդվածներով՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. ԻԻՀ քաղաքացի Ջաֆար Շաքերիին «Մաքսային կարգավորման մասին» ՀՀ օրենքի 305-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **100 000 ՀՀ դրամ**:

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մաքսատուն-վարչություն

(ստորաբաժանման անվանումը)

ղեկավար՝ Արտաշես Ղամբարյան

(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2023թ.

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: